

# Premi per Caduff e Janutin

■ **(anr/gns) La Fundaziun Paul Accola sustegna gia dapi nov onns talents, saja quai da skis alpin, da passlung, ubain da snowboard. Il premi principal dotà cun 2000 francs retschaiva actualmain il skiunz Yannick Caduff da Falerera.** La fundaziun surdat al skiunz da 16 onns quest premi per ses resultats excellents da la davosa stagiun da skis. Da nov cursas da la coppa dal BSV ha *Yannick Caduff* gudagnà set, vegni dubel campiuin grischun e tar il campiuinadi svizzer a Les Diablerets fatg en il slalom la medaglia da bronz. Medemamain in premi dotà cun 2000 francs surdat la Fundaziun Paul Accola a la passlunghista da 18 onns, *Alina Meier* da Tavau, per ses buns resultats tar il campiuinadi svizzer e tar il campiuinadi mundial dals giuvens. Undradas vegnan dentant er las dus skiun-

zas *Sina Conrad* da Puntraschigna e *Stephanie Jenal* da Samignun. Ellas retschaiavan in premi da 500 francs. Quella summa survegn er il skiunz *Fadri Janutin*, il Surmiran da Marmorera, che stat a Landquart e ch'appartegna al cader da skis da la Surselva. El è vegni avant tschintg emnas quatter giadas campiuin

grischun tar ils mats U14 ed ha er gudagnà la rangaziun generala da la coppa dal BSV cun il maximum da puncts. Ils premis vegnan surdats ils 14 da zercladur a chaschun dal turnier da golf «Paul Accola Charity» ad Alvagni Bogn en preschient-scha da *Didier Cuche* ed *Andres Ambühl* sco er auters sportists.



**Vegnan undrats da la Fundaziun Paul Accola cun premis per lur buns resultat: ils skiunz Yannick Caduff (san.) e Fadri Janutin.**